

江西輿地圖說

趙秉忠撰

中華書局

叢書集成初編

饒南九三府圖說（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

紀錄彙編卷之二百八

江西輿地圖說

趙秉忠

全省

按禹貢淮海維揚州而彭蠡在其域中是爲江西
肇基秦郡九江漢國淮南唐以後分合不常

國初定經制爲江西布政使司南距五嶺北奠九江
據百粵上游爲三楚重輔既越荆吳之交江湖林
麓之裕實江東一大都會也第其地勢崩洪平衍
險阻旣分形勝斯弱安危輕重常視四方焉列道

五嶺郡十三分邑七十七置衛所十四形勝網維
文武經緯蓋壯圖式廓偉哉厥輿地視蠡湖爲紀
而川原山埒漸以環隄南昌在湖之南爲會城詩
書禮樂攸萃蟬冕章綬儷古鄒魯湖東爲撫州東
南爲建昌又東南爲廣信山川琬秀士稚民勤而
撫州文物稱盛湖西爲臨江西南爲袁州地逼長
沙逋民客戶詭察頗難又西南爲吉安清江碧嶂
鍾靈炳文而尚義俠節吉士之異也湖西北爲南
康又西北爲九江東北爲饒州土沃風儉志靡頽
頃而九江樞省上流牽制沿江州郡且與南康密

邇巨湖吞浸實保境要害重關也瑞州却湖而負
山谿鑿深斷其人務本而善鬪南安贛州去湖益
遠在省治極南以五嶺爲屏翰而汀漳雄韶諸山
跨絡林箐茂密斯爲盜藪故設督撫重臣提師臨
之蓋其人輕生而好兵此五方之形勢習貫較著
者也揔之力作耆施修名砥行里無芬華之尚士
君子有崇雅之風其所從來久遠矣乃其土瘠賦
繁而薄祿滋蔓勢弱餉寡而戎除徂悒是爲隱憂
且游民輕去鄉井而彈冠結駟喜箠鼓標清議風
之弗古當事者難之然則剗癢癢以燮元氣飭師

堡以作神威祛塵談而務經濟崇木疆以廻澆浮
是惟識時務者俊傑哉

南昌府

最繁

最衝

南昌古豫章郡集藩會爲國樞乃群山與赴衆流
朝宗之域而聲名文獻蔚然列郡冠冕王子安云
物華天寶人傑地靈有味哉夫其言之也然間左
溷編戶周道交皇華簿書艱於期會路節再於悉
達俗且勤生嗇施薄義喜爭彈射騰口語訟鼓舌
而宗潢星列城社彗憑有如二千石威神君馬亦
鮮談笑劈畫之矣

南昌縣

最繁

最衝

刀

南昌治附省城東而轄地亦東之口賦甲諸邑洪
都文物爲茲邑最鉅麗云然民硠鄙逐末趣利鮮
懷居故逋負用積姦賊難考竟祿曹因得用計策
舞其文重以藩封攸宅事尋牽制且瀕江田曠人
稀直隸界邊流民亡賴者率衆佃耕其來不可禦
稻登則竊攘以逃其去不可追富室歲歲猷苦之
甚至作奸亡命事發併逮其所主尤爲巨蠹隱憂
云

新建縣

最衝

最繁

疲

治廬城西隅衝劇與南昌埒而民稍良訟是用希
拊原奇麗雙江匯環蓋都會雄觀爲茲邑所有祗
濱湖下流之地委萍藻魚鱉之鄉圩田旣興菑畬
攸堅乾湍豐歉氓命縣綫故賦籍通而吏弊滋熾
其水草之交細民易與於亂蓋備禦尤警夫昔矣
豐城縣 最衝 最繁 刀

豐城在郡南境羅山列屏劍江潏潏土之轡文蜚
藻猶有龍光斗牛之氣土瘠民稠居務畊桑而游
四方者咸徒手致橐中裝然地當閩楚西粵之交
冠蓋出丘亭軫相接也歲儲不下十萬而逋者過

半地執外隆中窪受五郡下流所擊金堤易決埽
堙頻煩又地界撫瑞臨江草竊間發而黠俠競勝
於無情狡吏巧舞於彛澤蓋負郭之外於此稱劇
邑云

進賢縣

最衝

次簡

淳

進賢在郡之東九曲潞流三台屹立靈秀攸鍾人
賢稱是民率忠樸士高節槩風候近馴金矢鮮入
第閩越四駢犇命云瘁而撫饒錯界盜彛竄流然
花園既平稍得高枕治之

奉新縣

次衝

次繁

刁

奉新稍去郡介在西陲民僕帖岐以官始未嘗不
土物愛而勁氣固襲施缺乘椅肺石棘聽邇復安
義關衢客引車辟省會逕逕闌出遂令里區延焉
謂舍宰厥邑者談何容易若夫九仙百丈溫泉劍
井固封內之勝槩殆未與於斯文

靖安縣

最僻

疲

刁

西去奉新又四十里蒼岑鬱盤鳥道鬱叢盜狐兔
其窟溪澁而商賈絕跡土瘠而民散接踵私置公
逋職此故哉迺其案黠鼓刀筆以公門爲城社攬
稅糧視臧鏹爲贏索鉤施鮮施薙爰靡皇邑雖僻

小治良艱已

武寧縣

最僻

疲

刀

武寧在郡西北萬山中僅迭羊腸一道上抵寧州
下至建昌山削水駛瘠土窶民以畊織自長養庶
幾哉槿廬藿扉之風歟迺倏忽報而混沌鑿繇是
主保興官錢沒計楊盛文法蠹長吏鮮克有終噫
嘻世道江河泊斯履霜矣

寧州

僻

繁

刀

寧州環山負險阻地里寥廓林箐茸蒙險道傾仄
四境所交故楚之區脫而江之窮里亡羊逐兔之

岐也是州經理備盜孔棘邇以觀察使者奉

璽書揆奮其地醜黨咸誓而銅鼓之中屯湖江之夾
攻圖上方畧前籌廟算矣至於鋤武梗會賦役肅
追呼簡訟繫是外寧內治數交倚伏五馬當局審
先後哉

瑞州府

次衝

次簡

郡故漢建城縣唐筠州宋高安郡而易瑞州者則
以瑞芝二

國朝因之按圖記吳楚中分負鳳華之巘巨蜀錦之
流顧堞雉偪側干旌弗才正德間鄭刺史披蓊蓂

得唐之外城故址跨錦水城其南北嘉靖中吳文
端公倡議增築峙閤垂虹益宏麗稱巨鎮云轄縣
三高安上高土沃而苦賦重新昌雖有山竹微利
亦爲盜賊淵藪俗以穡事女紅相尚無靡靡之習
獨謫訐成風蟠糾莫變巧僞日滋吏治勞止筠州
道院拊髀談曩時矣

高安縣

次衝

疲

刀

縣治附郭厥土夷陸厥田乂顧陳疆畎弗踰中邑
而藉賦當湖東嶺北一小郡疲也俗嗣股肱純莠
黍稷佐以儉固繇是不大困然逋竄滋矣况安義

介用一蹊斯地鼎來九軌委人稍聚弗支氓且健
訟爲梗展也瑞之巖邑哉

上高縣

次僻

次繁

刁

邑据郡西偏上流亦省會臨江新昌萬載四幅之
較以非康莊衝五之一慄悍嗜訟徂狎逮屢爰書
鮮裁而賦重役繁豪家積逋爲甚蓋難治於高安
魯衛云

新昌縣

最僻

次簡

悍

新昌僻在西北徼山奔土壚雨暘稍愆魃沴立作
幸饒竹木衣食奏裕風氣驕器謗端桄桷以刀筆

爲耒耜而豪右作逋逃主邑長吏良苦辛矣然古
樸流風猶有存者人耻惡聲而世家克由禮瑕瑜
各異哉嚮也山谷剽禦時聞桴鼓華林黃岡之轍
至今談之廼斤堠方嚴悍氣漸龔撫而治之亦惟
威克厥愛已哉

廣信府

最衝

最繁

信蓋春秋楚越比境云秦郡縣天下始爲餘汗太
末地置肆焉歷唐稱信州

國初府以今名據省會上游靈鷲干霄自武夷來秀
色吞匡廬而水溪靚玉縈達彭蠡謂扶與清淑之

氣非歟迺介荆吳閩越八達之會舟車輻輳廩餼殷矣俗尚淳儉吉凶賓嘉率於禮壤賦式供君子重清議二千石足容與蒞之屬者亦習奢漸窳風之會也而龍虎符籙之教湛溺崇鬼激膏楊躁計訟株蔓七邑疵豎志昔記之矣以辛酉房李之亂藩司出鎮當閩越亢背隱然虎豹闕云

上饒縣

衝

繁

淳

邑治麗郡中周行嶠欽稱是而膏秣糗載之經壹制於郡令於是乎誅督寡左自東徂西玉山錦弋所襟帶東南接永豐地僻山嶮北通饒之德興樂

平蹊崎而勢遼則有八方鄭家兩廵司分亭郭焉
他若張灣臺湖大安箬嶺凡院隘設險綦布戍卒
時以兵法部勒之足恃無恐士修氓樸逋堆案爲
鮮蓋善地也所異疇昔者武斷作厲螟蛉冒宗草
竊爲姦左道煽惑習積以頽司牧者殆未可宴然
卧理也

玉山縣

衝

次繁

刁

玉山以懷玉得名故浙衢屬邑今轄於信大矛閩
越蓋豫章第一門戶云東距府治百里艦啣轂擎
之區財力故絀寇焚之餘重以畚鍤民用滋困且